

ادبیات کمونیستی شوروی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۲ جادی الآخر ۱۳۳۵ جمعه ایرتسی ۱۴ نیسان ۱۹۱۷ نومرو ۲۴

بر یالانک تاریخی

کمال حرمتله شکری بلک افندی به

اتصادفک تحف بر تجلیسیله ، تورکیه‌نک تاریخ تشکله و انحطاطنده آمریقا بویوک بر رول اوینامش ، وبرکره موفقیت ، برکره‌ده فلاکت کتیرمک شرطیله ، بر جدید ایکی دفعه مقدراتمزه تأثیر ایتشدرد : اسکی دنیانک اسکیدن بروحدتی واردی ، و بو وحدت‌ده ، خرس‌تیانلنی تهدیدایدن هر ته‌لکه‌یه قارشی ، پاپانک بردنبره مادیلش‌ن حاکمیت معنویه‌سی آلتنده تجلی ایدردی . اوزمان آوروپانک بو خرس‌تیان هیئته کیم هجوم ایتشمسه ، بو وحدتک قارشیسنده درحال انحلال ایتشدی . فقط اون بشنجی عصر کلنجه ، وجدانک ره‌فورم اسمنده کی مختاریتنی‌ده برابر کتیردیکسندن ، بیزانسی استانبوله تحویل ایدن تورکه قارشی اسکی وحدتی‌احیا ایتک‌ایستین پاپالرک هر وعظی و بوتون نصیحتی بیهوده‌قالدی ؛ زیرا کلیسا انقسام‌ایتمش ، نفوذی اکیلمش ، و ... برمدت صوکره‌ده ، آمریقا کشف ایدلمشدی ؛ اکر مقصد یرسه ، یکی دنیا بوم‌بوشدی . جنویزلر ، اسپانیولر و پورتیکیزلر ، بو سبيله ماورای اوقیانوسه آقین ایتدیلر . میراثه قونارکی ، کیتدکجه هان هرملت یکی قطعه‌ی استملاکه قوشدی ؛ اکر آوروپانک بو ترقی و استعمار احتیاجنک ابدالرنده میدان بر آمریقا چیقماسه ایدی ، عثمانلی تاریخی بوس بوتون باشقه بر شکل آلاجقدی ! بوتون غربک شرقه ، واولا شرقک اوک قسمنه آتیلداسیله ، آسیاده بر آمریقا تاریخنک جریان محققدی ! ... ایشه ، آمریقانک عثمانلی تاریخنه بر خدمت شکلنده اولان برنجی تأثیری بودر .

ایکنجی تأثیری‌ده ، ایکی یوز برقاچ سنه صوکره ، اون سکزنجی عصر ایچنده تظاهر ایدرد : اوزمان روسیه تأسس ایتمش ، واونک برأ اولان مساعیسنه ، آمریقادن آرتق دونلرده بحرأ اشتراک ایتشدی ؛ چونکه یکی دنیانک‌ده ملتربله حکومتلری شکل ایدهرک آوروپالیرلی قوغدقدن صوکره ، آرتق آرقالرندن قاپولرینی قاپامشلردی . بو سبيله انکلتزه ، هولاندا ، فرانسه و اسپانیا کی دول بحریه ، آسیاده استعمار ایدهرک جزائر و شبه جزائر تحریرسنه چیقیدیلر . بزده یوللرینک اوستنده دوریوردق : بوندن دولانی ، آمریقا باشنده کیلری اوستمزه آتمش اولدی .

... بوده ایکنجی تأثیریدر .

اگر بوملکتنده تاریخک فلاکت فصلی جریان ایدرکن ، پورتکیز اولسون ، جنوین اولسون ، هرهانکی برملتن مبشر برکاشف ظهور ایدوبده آلتنجی برقطعه کشفنه موفق اولسه ایدی ، صوک ایکی عصریمز برکابوسه بکزه حرا ، وقرهده کی روسیهده ، دکزدن بوقدر شریک جرم آله ایده مزیدی !

فقط آمریقاده دویدقجه آوروپاده آجیقانلر ، مع التأسف طبیعتک ایکنجی بر ضیافتنه مظهر اولمادیلر : ونهایت بومحرومیت آلتنده ، اولجه اهل ایتدکلی آفریقاییله ، آزکزدکلی آسیایه کوز دیکدیلر ! تورکک وطنی ، برنجی قوناقدی : بوموضعیتمه ایکی یوز سنه در هجوم ایدیورلر ؛ لاکن اولجه سیاستلی برجهندن آجیقدی : وطنمه ، صوک دنیا نظریله باقیورلر ، مملکتمه ، آمریقاییه کیدرکی کلیورلردی ! فقط صوکرده دن مناسباتمه بین الملل بریالان ، تاریخی آلداتیرکی بریالان قاریشدی : تمامیت ملکیه دستوری !...

*
**

بودستورک تاریخی ، بعضاً بریالانک ، بیک کره تکذیبه رغماً ، ینه بلکه بیک کره تکرار ایدلایکنی اثبات ایدر .

— اوته دنبری آوروپا سیاستی باب عالییه ایکی رنک آلتنده کورونمشدی ؛ بونلر ، بری سیاه ، بری بیاض اولاجق قدر متناقضدی : مداخله وعدم مداخله .. بو سیاستلرک برنجیسی ، برحس دینییه ابتدا ایتدیکندن ، برآز مجرد ومبهمدی . آرده صره اهل صلیب آقینلری شکنده تظاهرایدر ، واسبابنک یوزده قرق منفعتمسه ، متباقی یتشی ده مطلقاً [وظیفه تاریخیه] اسمنده برحس اولوردی ! فقط فرانسه اختلالدن صوکره ، بو « وظیفه » نک صفتی دیکشدی : حقوق بشر ، ملیت حقوقی انتاج ایتدیکندن ، آوروپانک اواسکی وجدانی ، محکوم اقوامک آزاد ایدلسنی بوسفر بر « وظیفه انسانیه » تلقی ایدیور ، واون دوقوزنجی عصرک خریطه سی ، بواساسک تأثیریه اوته سندن بریسندن کیتدکجه تعدیلاته اوغرایوردی .

فقط بونک هیچ اولمازسه بر آجیقانی واردی ؛ وینه هیچ اولمازسه ، اسکی وظیفه تاریخیه ده بر جوق ، ویکی وظیفه انسانیه ده برآز حسک تأثیری اولمشدی . بوکا مقابل اولان بزه مداخله ایتمه مک سیاستی ایسه ، کاملاً منفعندن صرکیدی : اگر بو مسلکده حسیاتک تأثیری اولسه ایدی ، سالکاری پک قولایجه علیهمزده کی عصیت جریانلرینه التحاق ایده بیلیرلر ، و آتیده (تمامیت ملکیه) اسمنده بر دستور امجادینه قطعاً حاجت برافازلردی .

ایشته حرب عمومینک بدایتنه قدر غزته لرده ، پارلمنتورلرده ، ضیافتلرده ، معاهده لرده ونطقلرده سویلنن ، وشیمدی آنجق بر مقاله یه موضوع اولان یالان ، بو اسکی « عدم مداخله » سیاستندن توره مش ، واونک مرور زمانله تبلر ایتش بر دستوری اولمشدر .

تمامیت ملکیه اساسی ، عثمانلی - آوروپا مناسباتنده ، اسکی دوره ماعتیله بکزر ، انتظامیه بکزه حرا یکی بر دور آچمشدر . بو اعتبار ایله آوروپانک شرق قریبه قارشى اتخاذ ایتدیک صوک سیاستک خطوط اساسیه سی پک معین ومطر ددر : مداخله سیاستی ، اختلال کبیرک ویردیکی (وظیفه انسانیه) عنوانی آلتنده پک بارز بر شکل آلمش ، اسکی عدم مداخله سیاست شفاهییه سی ده (تمامیت ملکیه) اسمیه

معاهدات یازیلارقی برکفالت تحریریه اولمشدر! روسیه، انگلتره، فرانسه وایتالیا، صره ایله و ایجاب حاله کوره بو مسلکاردن برینه انتساب ایتمش، صوکره وازکچمش، صوکره ینه سلوک ایله منفعتلرینی تأمین ایتشلردی. حتی بعضاً ایکی سیاستی بردن اختیار ایتک غرابتنی کوسترنلرده اولمشدی!

تمامیت ملکیه دیمک، تورکیه نك وجودی موازنت مسئله سیله ملاقه دار اولدیغندن، عثمانلی استاتوقوسنك محافظه سی دیمک اولیوردی، و بو، پارس معاهده سندن بری هر دولتک کفالتنده اولدیغی حالده، باب عالینك وظائف داخلیه سنه ایدیلن مداخلاته مانع اولیوردی! بونلرک مسالتمزه دوقونمایانلرینی عفو ایتسه کده، حربه انقلاب ایدنلرینی هر حالده کورمه نلک اولماز: برسفیرک سرزنشیه براردونلک تعرضی البته بردکدر. بو بویه ایکن، تمامیت ملکیه دستورینك تاریخ ایجادندن بری، هیچ بردفعه بیله، حق سر اولان هر هانکی بر محاربه دن اولکی وضعیت ملکیه من اعاده اولونماش، یعنی [استاتوقو آنته به اللوم] دیدکلری شی قطعاً نظر اعتباره آلمانمشدر!... استاتوقو، آنجق بر محاربه دن دیگر محاربه یه قدر دوام ایده بیلیوردی: حالبوکه تمامیت مزی تکفل ایتسه لرده، ذاتاً ایکی محاربه آره سنده کی صلح اثناسنده البته مملکت کندی کندینه کوچوله جک دکلدی! بوراده بر اعتراض عقله کلیر: برلین قونفره سی، آیاستفانوس مقرراتی ابطال ایتمش و روم ایلی یی ایکی پارچه یه آیریلقدن قورتارمشدی! فقط بو، استاتوقونك محافظه سی دیمک دکلدی؛ ینه بو صحیفه لرده آیاستفانوس معاهده سنك برلین مقرراتندن اهون اولدیغنی اثباته چالیشمشدم. [۱]

اگر تمامیت ملکیه دستوری، مداخله سیاستنك بر حس دینیدن، بر وظیفه تاریخیه ویا انسانیه فکرندن دوغماسی کی، بر عقیده دن چیقسه، و هیچ اولمازسه موازنت فکرینه جداً استنادی اولسه ایدی، بلکه بو کونکی دشمنلریمزک دونکی صمیمیتنه بر آرز اولسون اعتماد ایده بیلیردک! فقط بو دستورک نه او قیمتی، نه او قوتی وارد.

ساده بر غرابتی وار: تطبیقاتنده، مداخله سیاستیه بر نقطه ده اتحاد ایدیور: اصلاحات مسئله سی!... مداخله ایتک ایسته ینلره قارشى ایتمه مک ایسته ینلر، معارضلرینه حق سکوت اولارق باب عالی یی اصلاحاته دعوت ایچون مملکتک امور داخلیه سنه مداخله ایدیورلردی! اگر بو طرفینك مثلاً بری روسیه، دیگرى انگلتره ایسه، برنجیسی ریا کار، ایکنجیسی آچیقجه دشمن ویا عکس قضیه دیمکدی.

تمامیت ملکیه نك بین الملل تکفلی، حقوق بین الدوله ده مغایردی: زیرا حقوق عمومیه، هر دولتک حق بقاسنی، تجاوزدن مصونیتنی، استقلالنه رعایتی، و بونلری جمع ایدوب بر ترکیبه ارجاع ایده جک اولورسه ق، «تمامیت ملکیه» سنی تمامیه تأمین ایتمشدر. بونک خارجنده تعهداته کیرمک، برینك حقوقنه تجاوز حقنی تصدیق ایتک دیمک اولورکه، او یله دولترک تعهداتی مصونیتنه ضمان عد ایتکده عیشدر.

فقط بو دستورک تاریخنده اک سیاه اولان نقطه، خنکار اسکله سی خاطراتندن اولماسیدر: عدم مداخله و مصونیت اساساتی، (تمامیت ملکیه) شکنده ایلک اعلان ایدنی، روسیه در! بر سوزک هانکی آغزندن چیقدیغنی دوشونمک، جدیدنه اک مناسب مقیاس اولابیلیر. روسیه نك بزه قارشى اولان تشبثاتی، ایکنجی قاترینه ایله ایکنجی آلکساندرک یاپدقلری کی،

بعضاً دوغروندن دوغرویه مجادله شکلنده تظاهر ایدر : بوغازلری آلماق ایستر ، قره دن قازاقلری ، دگزدن کیلری سالار ؛ نهایت امیدنی کسر و دور ، . شدتدن صوکردهده ، سیاسته باشلاردی : بزه دوست اولق ، بزی وقایه ایتک ایستردی !

ویقتور قوچو بک ، خنکار اسکله سندن اوتوز بر سنه اول ، چار آلکساندره تقدیم ایتدیکی لایحه ده ، شرق مسئله سنی حل ایچون ایکی چاره کوستریوردی : برنجیسی تورکیه نك تقسیم ، ایکنجیسی تمامیتنک محافظه سیدی ! بوندن برمدت صوکره ، ایکنجی سیاست ، خنکار اسکله سنده تطبیق ایدلدی . بو صورتله روسیه هم مدعی ، هم مدعی علیه وکیل اولمشدی ! ایشته تمامیت ملکیه دستوری بویله ظهور ایتدی ؛ انتشارینه ده بوکا بکزر برسبب واردی : بردنبره بوتون آوروپا میدانه چیقدی ! هپ بر آغزدن : - بزه تورکیه نك بقاسنی ایستیورز . بزه قره دگزک سدینه طرفدارزا ! « دیورلردی ؛ فقط بوندن مقصدلری بزه وحقه اولان محبتلری دکل ، بلکه بزی روسیه نك الیه براقوب کندیلرینک آچیقده قالمالری قورقوسیدی ! ایشته آوروپانک صرف اوفکر منفعتیله ، تمامیت ملکیه اساسی ۱۸۴۰ تاریخنده کفالت مشترکه آلتنه آلمشدی . تاریخک جریاننه اولان درجه تأثیری ایسه ، اوندن صوکره تعاقب ایدن حادثاتک وطنمزده کی تأثیراتیه متناسبدر .

بوگون دول معظمه دن هیچ بری ، تمامیتنک باشقالری طرفندن تکفلنه مساعدده ایتز . مثلاً آلمانیا نك تمامیت ملکیه سنی هانکی دولت تأمین ایتشدیر ؟ بو کی تأمینات ، ضمناً اسناد ضعف ایتک دیمکدر . هر حالده سلیمان قانونی زماننده تمامیت ملکیه سنی تکفله جرأت ایده جک بر حکومت یوقدی . بر دولتک موجودیتنی باشقه دولتلر دکل ، آنجق منسوب اولدینی ملت تأمین ایده بیلیر . صوکره محاربه ده اثبات ایتدی که ، دنیا ده عثمانل تمامیت ملکیه سنی تکفل ایده جک تک بر حکومت وارسه ، اوده آنجق حکومت عثمانیه در .

اسماعیل هاسی

فطری وجبلی ملیت ، کسبی و صناعی ملیت

اخلاق علم ویا فننک تدوین ایدیلرک تدریسی قدر زائد - وحتى مضر برشی تصور ایده مم . تخلق ، ذهن و دماغه دکل ، سجهیه ، روحه تعلق ایدر . بر انسان قواعد و دساتیر اخلاقیه یی بیلدیکی ایچون دکل ، فضائی اعتیاد ایدندیکی ، مزایانک کندیسنده غیر شعوری بر صورتده طبیعه داخل اولدینی ایچون اخلاق صاحبی اولور .

معاشر مدنیه داخلنده یتشمش بر چوق جانینک اخلاق قاعده لرینک جاهلی اولدقلری تصور اولونه ماز . بونکله برابر بونلرک ارتکاب معاصیده قصور ایتدکلری یوقدر .

خلاصه ، اخلاق علم ووقوفه دکل ، تربیه یه تعلق ایدر . تربیه نك ایسه تتبع ایله مناسبتی یوقدر . تربیه بدیعیه و ادبییه ده بویله در . بر انسان منحصرأ سعی و مطالعه سایه سنده بیوک بر ذوق صاحبی اوله ماز . طبیعتده شاعرلک اولیان بر آدم بتون عروض و قافیه قواعدینی ختم ایتسه ینه پایه شاعریته احراز ایده ماز .

اداب و قواعد و معاشرتک تدریس و تعلیمی ده بلکه فواید دندر . Savoir - vivre علمنه دائر بر کتبخانه طولوسی کتاب اوقویان و شوقدر وارکه طبیعتده غلظت بولونان بر کیمسه مناسبات